



ARUBA

Examen - VWO  
Habilidad di lesa

2021

Periodo 1  
24 di mei  
7.30 – 10.00

PAPIAMENTO

# Buki di tarea

E examen aki ta consisti di un buki di texto, un buki di tarea y un buki di contesta.

E buki di tarea aki ta consisti di **8** pagina.

E cantidad di pregunta ta: **48**

Pa e examen aki por haya maximo **64** punto.

Dilanti cada pregunta ta indica e cantidad di punto cu por acumula.

## **INSTRUCCION**

### ■ **PREGUNTA DI ESCOGENCIA MULTIPEL**

Marca un ronchi rond di e letter MAYUSCULO di e contesta corecto.

### □ **PREGUNTA HABRI**

1. Contesta e preguntanan den bon Papiamento.

2. No duna mas contesta di loke ta pidi. P.e, si ta pidi dos motibo, skirbi solamente dos motibo, Den caso cu skirbi mas cu dos motibo, lo conta solamente e prome dosnan den e evaluacion.

3. Si ta pidi pa un frase y bo ta contesta cu mas cu un frase, lo conta solamente e prome frase den e evaluacion.

\* Uzo di likido of tape di coreccion ta prohibi.

## Texto 1

## Alimentacion transgenico

*Tur cos por cuminsa cu bon intencion, pero facilmente por dirigie den direccion robes.*

---

- 1p ■ **1.** E texto **Alimentacion transgenico** tin e subtítulo: *“Tur cos por cuminsa cu bon intencion, pero facilmente por dirigie den direccion robes.”*  
Cua di e siguiente ponencianan ta cuadra mas tanto cu e subtítulo di texto?  
A. E subtítulo ta aclaria tema di e texto.  
B. E subtítulo ta matisa e título.  
C. E subtítulo ta resumi tema di e texto.  
D. E subtítulo ta splica e título.
- 2p □ **2.** E autor ta finalisa alinea 2 cu un palabra di señal cu ta indica presencia di un relacion contradictorio.  
Na cua dos asunto contradictorio e autor ta referi?
- 1p □ **3.** Alinea 4 ta presenta e cultivo di ‘mata Bt’.  
Kico ta e pensamiento principal di alinea 4?
- 1p □ **4.** Den alinea 4 e autor ta expone un ponencia relaciona cu comemento di producto natural cu ta contene DNA modifica y ta presenta un argumento pa esaki. Tambe e ta presenta un contra argumento.  
Cua ta e contra argumento?
- 1p □ **5.** Alinea 5 ta finalisa cu: *“Meramente di coincidencia, ta e propio compania Monsanto ta bende e simia di maishi geneticamente modifica.”*  
E frase aki ta contene exposicion di ponencia y argumento.  
Na cua grupo principal di argumento, e argumento den e frase aki ta pertenece?
- 1p □ **6.** Alinea 6 ta inicia cu su frase nucleo.  
Indica si e pensamiento principal di alinea 6 ta un afirmacion of un ponencia.
- 2p □ **7.** Den alinea 6 e autor ta uza dos palabra di señal cu ta indica relacion enumerativo.  
Cua ta e dos palabranan di señal aki?
- 2p □ **8.** Krimsky y Schwab a expone dos nivel di relacion conflictuoso entre miembronan di e Academia Nacional di Ciencia, Ingenieria y Medicina y e resultado di e investigacionnan.  
Cua ta e dos nivelnan?
- 3p □ **9.** Den alinea 7 e autor ta presenta un argumentacion a base di rasonamento logico pa e duda cu ta existi den declaracion di e Academia Nacional di Ciencia, Ingenieria y Medicina.  
Indica e estructura di e rasonamento logico describi den alinea 7.

- 3p□ **10.** Den alinea 9 e gobernador campestre ta elabora con e pueblo a desaroya cu yudansa di Monsanto y otro compania. Tambe e alinea aki ta cuminsa cu un palabra di señal cu ta indica un contraste.  
Skirbi tres asunto contradictorio riba e yudansa di Monsanto y otro compania pa e pueblo El Salvador Entre Rios?
- 1p□ **11.** Alinea 9 ta contene parti di e discurso di e gobernador di El Salvador Entre Rios na Argentina.  
Kico ta meta comunicativo di e discurso di gobernador Bordet?
- 1p■ **12.** Den alinea 9 Bordet ta declara: *“Mira nos mes aki, algun ta bira malo, pero hopi ta haya e oportunidad pa bay dilanti.”*  
Pa hustifica su pensamiento Bordet ta presenta cuater diferente argumento.  
Cua structura di argumentacion Bordet a aplica?  
A. 1 argumento simpel y 3 argumento subordina  
B. 2 argumento coordina y 2 argumento subordina  
C. 3 argumento coordina y 1 argumento subordina  
D. 4 argumento coordina
- 1p■ **13.** Den alinea 11 Kleffner ta expresa: *“Nunca e campesino ey por a cultiva e mesun simia cu nos. E no tin e capacidad intelectual pa haci esey”.*  
E argumento cu Kleffner ta uza ta cay den categoria di sofisma.  
Di cua sofisma ta trata aki?  
A. atake personal  
B. echo na luga di opinion  
C. defensa di algo pa cua no tin defensa  
D. dilema incorrecto
- 1p■ **14.** Den alinea 12 Goedgedrag ta vocifera: *“Tur hende mester por comprende cu esey no por, toch?”*  
E argumento uza pa Goedgedrag no ta corecto.  
Aki ta trata di un argumentacion basa riba:  
A. comparacion  
B. generalisacion  
C. menasa  
D. siguimento di coriente general
- 1p□ **15.** Den alinea 14 e representante di Monsanto-Bayer ta declara: *“Nos a perde e caso aki, pero henter mundo ta gosa di e productividad di e productonan Roundup y Rangerup.”*  
Aki ta trata di un hustificacion di e productonan di Monsanto-Bayer cu no ta cuadra.  
Cua tipo di sofisma e representante a aplica?

## Texto 2 E simia di codicia

---

- 1p■ **16.** Den alinea 1 e autor ta indica e prome codicia y den e ultimo alinea e ta presenta un codicia contrario.  
Cua ta e di dos codicia?  
A. E propietarionan di Monsanto kier bende nan compania.  
B. E propietarionan di Monsanto tin miedo di futuro gastonan?  
C. E trahadonan ta protesta dilanti oficina mayor di Bayer.  
D. Union Europeo ta blokea e fusion di Monsanto y Bayer.
- 1p■ **17.** Den alinea 2 tin e siguiente frase: “*Den caso similar, esaki semper a bay acompaña cu problema interno.*”  
E frase den cuestion ta contene un argumentacion cu no ta completamente corecto.  
E argumento uza ta un sofisma categorisa como:  
A. apelacion na autoridad robes.  
B. atake personal.  
C. evasion di responsabilidad pa presenta prueba.  
D. siguimento di coriente general.
- 1p□ **18.** Den alinea 2 e autor ta menciona: “*Tin otro riesgo:...*”  
Cua ta e prome riesgo?
- 1p□ **19.** E autor ta finalisa alinea 2 cu: “*Nan no por identifica nan mes cu e vision nobo di Bayer.*” Aki ta trata di un argumento subhetivo pa e posibel deterioro di productividad y eficiencia den Bayer.  
Cua tipo di argumento subhetivo ta trata aki?
- 1p■ **20.** Den alinea 3 un trahado di rango halto ta vocifera un pregunta.  
Si considera e pregunta aki un argumento pa e miedo cu ta reina bou di e trahadonan, cua tipo di sofisma esaki ta?  
A. Pregunta apelativo.  
B. Pregunta basa riba echo.  
C. Pregunta retorico.  
D. Pregunta sentimental.
- 1p□ **21.** Den alinea 3 un trahado ta refuta e pensamiento cu e trahadonan di Bayer ta sostiene e compra di Monsanto. Den su declaracion e ta haci uzo di un argumento subhetivo basa riba emocion.  
Skirbi e parti di frase cu ta contene e argumento basa riba emocion.
- 3p□ **22.** Den alinea 4 e autor ta menciona algun producto cu Monsanto a yega di produci fuera di simia transgenico y Agent Orange.  
Skirbi tres otro producto cu Monsanto a yega di produci?

- 1p□ **23.** E pensamento principal di alinea 5 ta indica cu e ehercito Mericano no tabata sa di e impacto ambiental ni biomedico di e producto Agent Orange.  
Si tene cuenta cu solamente e contenido di alinea 5, cua ta e impacto biomedico di Agent Orange?
- 1p□ **24.** Den alinea 5 e autor ta expone su pensamento riba exportacion di producto Vietnamita.  
Kico ta e motibo cu no tin mercado den e mundo oxidental pa koffie Vietnamita?
- 1p■ **25.** Den alinea 6 un trahado ta expresa: “*Y pasobra cu mi ta contra, mi ta akifo.*”  
Generalmente ta distingui dos tipo principal di argumentacion.  
Cua tipo principal di argumento e trahado a uza den su expresion?  
A. Argumento cu palabra di señal cu ta establece relacion causal.  
B. Argumento cu palabra di señal cu ta establece relacion conclusivo.  
C. Argumento obhetivo.  
D. Argumento subhetivo.
- 1p■ **26.** Den alinea 6 un delegado ta haci e siguiente expresion: “*Ami ta pensa cu ta dos tipo di trahado tin: sea bo ta apoya e fusion of bo ta contra.*” E frase aki ta un argumento incorrecto pa hustifica e pensamento principal di alinea 6.  
E argumento uza ta un sofisma categorisa como:  
A. dilema incorrecto.  
B. echo na luga di opinion.  
C. Generalisacion.  
D. trocemento di punto di bista.
- 1p■ **27.** Den alinea 7 e autor ta presenta un sofisma como argumento unda ta establece un relacion entre e dos partinan di e argumento cu realmente no ta existi.  
Aki ta trata di sofisma categorisa como:  
A. dilema incorrecto.  
B. argumento cu structura di si ... anto.  
C. defensa di algo pa cua no tin defensa.  
D. manipulacion.
- 1p□ **28.** Den alinea 8 e autor ta enfatisa cu e analistanan economico no a haci nan trabou bon. Pa esaki e ta presenta dos argumento. Un di e argumentonan ta un sofisma ya cu e autor ta mescla un opinion cu un asunto riba cua no tin duda.  
Skirbi e frase cu ta contene e sofisma.
- 1p■ **29.** Si compara texto 1 y texto 2, por conclui cu nan tin un topico den comun.  
Cua ta e topico den comun?  
A. Caracteristica negativo di Monsanto y su productonan.  
B. E miedo di e trahadonan di Bayer pa consecuencia desconoci di e fusion.  
C. Enfasis di trahado pa drecha e imagen di nan compania.  
D. Usuario di producto di Monsanto ta gana caso hudicial contra e compania.

### Texto 3

## Uzo di fuente di energia alternativo

*Si e reservanan natural agota, ta unda hende lo mester recurri pa energia?*

---

- 1p■ **30.** E texto **Uzo di fuente di energia alternativo** tin e subtitulo: “*Si e reservanan natural agota, ta unda hende lo mester recurri pa energia?*.”  
Cua di e siguiente ponencianan ta cuadra mas tanto cu e subtitulo?  
A. E subtitulo ta contradeci e titulo di e texto.  
B. E subtitulo ta duna un aclaracion di tema di e texto.  
C. E subtitulo ta resumi tema di e texto.  
D. E subtitulo ta splica e titulo.
- 1p□ **31.** Si tene cuenta cu loke ta skirbi den alinea 1, dicon ta casi manera cu e satelitenan ta capta imagen di un epoca anterior prome cu e descubri electricidad?
- 2p□ **32.** Den alinea 1 tin un palabra di señal cu ta indica cu tin un enumeracion.  
Kico e ta enumera?
- 1p■ **33.** Cua di e siguiente subtitulonan ta cuadra cu alinea 2?  
A. Escasez di coriente den bario y campo  
B. Escasez di coriente na Africa  
C. Escasez di coriente na e centronan medico  
D. Escasez mundial di coriente
- 2p□ **34.** Den e texto e autor ta menciona diferente instituto.  
Skirbi dos instituto, menciona den e texto, cu ta opera riba nivel internacional.
- 2p□ **35.** Den alinea 2 e autor ta aplica: “*no obstante esey*”.  
Aki ta trata di un palabra di señal cu ta indica contraste.  
Cua dos asunto e palabra di señala aki ta distingui?
- 1p□ **36.** Skirbi e frase nucleo di alinea 3.
- 1p■ **37.** Den alinea 3 e autor ta uza e dicho “*manera cayman na boca di riu.*”  
Cu esaki e autor kier ilustra cu e companianan biyonario y e gobiernonan:  
A. ta manera cayman.  
B. ta pendiente pa probecha di e situacion.  
C. ta uza cayman den e riunan pa spanta hende cu kier drenta e riunan.  
D. ta warda riba e momento oportuno pa inverti.
- 1p□ **38.** Den alinea 4 e autor ta elabora riba e motibo pakico e demanda pa uzo di energia a aumenta.  
Skirbi e motibo principal pakico e demanda a aumenta.
- 1p□ **39.** Den alinea 4 tin e palabra *convencional*.  
Den e mesun alinea tin un sinonimo di e palabra *convencional*.  
Skirbi e sinonimo.

- 2p□ **40.** Den alinea 4 e autor ta menciona diferente fuente di energia cu ta cabando. Skirbi cua ta e fuentenan na cua e ta referi como fuente di energia convencional.
- 1p■ **41.** Den alinea 5 e autor ta elabora riba un sorto di energia specifico. Cua ta e nomber científico pa e sorto di energia aki?  
A. Energia adkiribel  
B. Energia fotovoltaico  
C. Energia limpi.  
D. Energia solar
- 1p□ **42.** Na cua potencial e autor ta referi den alinea 5?
- 2p□ **43.** Den alinea 5 e autor ta elabora riba energia solar. Cita dos motibo pakico energia solar ta e tipo di energia alternativo di mas prometedor y progresivo.
- 2p□ **44.** Den alinea 6 e autor ta elabora riba energia y e condicionnan faborabel presente na cierto parti di mundo so. Na cua condicion(nan) e autor ta referi?
- 2p□ **45.** Alinea 7 ta cuminsa cu e frase: *“Ademas di crea energia alternativo limpi y sostenibel, tin algun consecuencia relativo pa planeta Tera.”* Cua ta e motibonan cu e autor ta duna pa hustifica consecuencia relativo?
- 1p■ **46.** Cua subtítulo ta cuadra mas cu alinea 7?  
A. Parke eolico bentaha economico  
B. Parke eolico su pro y su contra  
C. Suficiente plankton pa tur  
D. Un musca mas den Noordzee
- 1p□ **47.** Den alinea 7 tin skirbi: *“Mas ainda pilarnan di ... ta biba ey.”* Ki splicacion e autor ta duna pa e palabra biodiversidad?
- 1p■ **48.** Kico ta e meta comunicativo di alinea 8?  
A. Apela.  
B. Entretene.  
C. Informa.  
D. Persuadi.